

2 TETSARONITSÉÉTSE

Hállúvúeháámí Tetsaróonicárí Íjcyáme éllevu Páávoroo cáátúnuháámí

Duurúvaju

¹ Ámuúha Tetsaróonicá múnaa múúhá nahbému, íhyaami íñe tsiñe muha mécaatúnú ámuha éllevu oo Páávoroo, Tsibáánoo, Timotéoo, íjcyame elle ámuha meíjcyame tsaimíyé Máavyéjuube Jetsocríjtomútsikye Méécááni Píívyéébema meúráávyehíjcyáme éllevu. ² Aamútsí ihdyu óví ámúhake píaabó íbúwajíí ámuha meíjcyaki.

Ímityúmema Píívyéébe ímibájchoju méénuíñe

³ Ámuúha múúhá nahbému, muurá Píívyéébeke muha météhdútsohíjcyá ámuhá hallúvú ímí dííbyeke ámuha mecáhcujsómé mewájyújcatsíñéllííhye. ⁴ Mityane muha méimíjyúú ámuha meícúbáhrámeíyóné pañe ímí dííbyeke ámuha mecáhcujsóne meúráávyéneri. Aane muha méúúbállehíjcyá tsijtye dííbyé cahcújtso múnáake. ⁵ Ehdu muurá ámuha meícúbáhrámeíhíjcyáneri ámúhake waajácútsoobe ímiáané tsúúca dííbyé avyéjúejte ámuha meíjcyane. Áánéllíí ámuha méícúbáhrámeíhíjcyá ímiáámeréjuco ámuha dííbyema meíjcyaki.

⁶ Áronáa ihdyu eene ámúhadi ícúbáhráhíjcyámeke téhdure ícúbáhráííbye. ⁷ Áánetu ihdyu

meícúbáhrámeíhíjcyánetu meke állíjchútsóiibye múijyú Máavyéjuube Jetsóó íhtsutúmé níjkyéji múnáama cúújuwádú péétécunúnéj piine tsáácoóca. ⁸ Ehdu tsááiibye íñe Píivyéébeke iéhdíiválléne dííbyedítýú íjcyáné uwááboju ímiááné íjcyáneri íícúvehíjcyátúmeke íícúbáhraki. ⁹ Aame ílluréjuco wágóóóveíñé múijyú níjkéváityúné íícúbáhrámeíhíhullévu. Aame tsá múijyú dííbyé avyéjú íhtsutúné íjcyane ájtyúmiítyúne. ¹⁰ Ehdu muurá méénúiibye Ávyéjuube Jetsóó tsiíñe itsáácoóca. Ájyu dííbyeéjté meíjcyame dííbyeke maávyéjujtsómé méduurúvaáhi. Muurá téijyu tsaméhjí dííbyema meíjcyaa dííbyé uwááboju muha ámúhake meúwáábohíjcyáné ámuha ímí mecáhcuíjtsónéllíihye.

¹¹ Áánéllii paíjyuvaré muha Píivyéébeke piáábó ámúhá hallúvú métáúmeíhijcyá ámúhake díbye újcume tsaímíyé dííbyema ámuha meíjcyaki. Áhdure muha métáúmeíhijcyá dííbyeke ámuha mecáhcuíjtsómé ímiáánéré meméénúiyóneri metsúúrameíhijcyáné ámúhama díbye ipánéévétsoki. ¹² Ehdu nénéhjiri máávyéjujtsó Máavyéjuube Jetsocríjtoke. Muurá meke ávyéjújtsóiibye Píivyéébe meke íídaatsólléne dííbyej tééveri újcúmeke.

2

Naavéneéjpi méénune

¹ Ámuúha múúhá nahbému, muurá Máavyéjuube Jetsocríjtó tsááiíñé úmíwari páhduvare nééne

mávaríjchojúúné íjcyááhi. ² Áánéllii ámuhákye muha menéé íñe Píívyéébé uwáábódú nénehji tsaate naavédú néene ííténé pañe íájtyumíné úwáábóneri ámuha meíllityéne memújtátuki. Áhdure tsaate múúha mémeri íllure íállíñe icyáátúnúháámí pañe ‘tsúúca Ávyéjuube tsájucóóhií’ íñéhaami ámuha éllewu wállóhajchíí méíícúvedí téeneri. ³ Tsáma tsaatédívú máállítsámeídíñe. Muurá ihdyu ímiááné dibye tsááiñé ihde tsaate Píívyéébé uwááboju állíuríyéjuco díllóíñe. Téjyju muurá bóhówáávéiibye ímítyuube Naavéneéjpi íjcyáábeke Píívyéébe ícúbáhráíiibye. ⁴ Aabe páhduváre dárííveé Píívyéébeéjteke dííbyekéré ditye dúúrúváyóneri íjyácunúnema. Muurá Píívyéébedi idíllómeíñe dííbyé duurúvájá pañévú úcáávéiibye.

⁵⁻⁶ Aane muurá ámuha méwaajácú íveeki ícyooca dibyéi bóhówáávetúne. Muurá ihdyu íéévéi úújetécooca bóhówáávéiibye. ¿A tsá ámuha meítsáávetú éhnée ámuhákye ehdu méema tene pájtyeíñé o néhijcyáne? ⁷ Tééné pañéjúcooro muurá mee ícyoóca. Áronáa ihdyu tsáhái dibye méhdivu bóhówáávetú Píívyéébere néhdújuco. Dibye ihdyu dííbyeke íhvéjtsócooca botsíi bóhówáávéiibye. ⁸⁻¹² Aabe muurá Naavéné íhnáhooríyé méénúráítyúronéhjí méénuú téeneri míamúnáake imújtátsoki. Ehdu imyéénúneri mújtátsóiiibye Críjtodítyú íjcyáne uwááboju ímiáájú cáhcújtsotúmé wágóóóvéímyeke. Áánéllii Píívyéébe díityéké íhvéjtsóo ditye awáá ímíllédú teene icyáhújtsoki. Aame tééné déjúcotu ílluréjuco

wágóóóveíñe. Áronáa Ávyéjuube Jetsóó itsáácooca eene ténejcúvú diityéké íbúwátsohíjcyáábeke íámítsaráhcori ícúbáhráábeke íllure íbátsuhjácóneri dsíjívétsoóhi.

Muhdú mepájtyetéíñe

¹³ Áánetu ihdyu ámuúhake Píívyéébe wájuúnéllii ámuha dííbyeke ímí mecáhcujsóné hallúvú muha dííbyeke météhdútsohíjcyáhi. Muuráhjáa tsúúcajátújuco díbye meke újcune Íapííchó meke ímíjpyetétsónej tééveri dííbyeke mecáhcujsómé mepájtyetéki. ¹⁴ Ahdújucoo muurá íñe ámuúhake muha meúwáábónej tééveri díbye ámuúhake újcune Máavyéjuube Jetsocríjtoma tsaméhjí dííbyé avyéjuri meíjcyaki.

¹⁵ Ehdu teéne, ámuúha múúhá nahbému. Ahdícyane tsáma máábájíívedí éhnée ámuúhadi muha meúlléjécooca ámuúhake muha meúwáábohíjcyáne. Áhdure íñe waajácúháámí pañe ámuúhake muha menéhíjcyáne méíhvéjtsodííñe. ¹⁶⁻¹⁷ Aane óví Máavyéjuube Jetsocríjtomútsí Méécááni Píívyéébema ámuúhake píaabó tsaimíyé ámuha meíjcyame ímiáánéré meméénuhíjcyaki, áhdure ámuha ímiáánéré meíhjuúvahíjcyaki. Muuráhjáa mítyane meke iwájuúnéllii méhdi ídáátsóvéne meke újcuube mújyú níjkéváityúné meímíjyu dííbyema íavyéjuri meíjcyáiñévú mecátsípáávénema.

3

Páávoró néé piááboju diityé hallúvú ditye ityáúmeíki

¹ Ahdícyane ámuúha múúhá nahbému, múúhá hallúvú téhdure Píívyéébeke piáábó métáuméí dibye múúhake ipiáábo Jetsocrijtodítúyú íjcyané uwááboju muha pahúllevá múnáadívú metsújaúcúné ditye tsaímíyé icyáhcújtso ámuháa mecáhcujsódu.

² Áhdure métáuméí dibye múúhake ityéhme ímityúmé múúhake imyéénútuki. Tsá muurá pamévare díbyé uwááboju cáhcújtsoúne.

³ Áronáa Píívyéébe ímiáábé íjcyaae ámuúhake piááboó tsaímíyé ámuha meijcyaki. Áhdure idyé ámuúhake téhmeiibe ímityúnéhjitu. ⁴ Muurá muha méwaajácú ámuúhake muha meúwáábohíjcyáne ámuha meméenuíñé ámuúhake dibye tükévéjtsóneri.

⁵ Aabe ihdyu óví ámuúhake piáabó ímíñeúvú ámuha mewáájacu mítyane meke dibye wájyune. Áhdure idyé óví ámuúhake piááboobe ímityunéhjí ámuha maáábúcu muhdúhjáa Crijto áábúcu híjcyádu.

Muhdú mewákímyeíñe

⁶ Ahdícyane ámuúha múúhá nahbému, Máavyéjuube Jetsocrijto mémeri ámuúhake muha menéé íñe ámuúhake muha meúwáábohíjcyádú íjcyátúmema ámuha menáhbévátu eene iwákímyeíñé ímíllehíjcyátúmema. ⁷ Muurá tsúuca ámuha méwaajácú muhdú muha meijcyadu ámuha meijcyáiyóne. Muuráhjáa elle ámuúhama muha meijcyácooca tsá wákímyeítyúmé muha meijcyatúne. ⁸ Aamée tsá muha mumájchó pevénére áhdóratúné memáchohíjcyatúne. Muuráhjáa muha méicúbáhrámeíhijcyá wákímyeíyi cójáhajchótá pécohajchótá téene tájpi muha meijcyaki. Ehdúu muha mewákímyeíhijcyá

íínerí ámuhákye muha meíjyévjtsótuki.
 9 Muuráhjáa ihdyu ímiáánéjuco múúhake ámuha mepiáábóiyóné íñe Píívyéébé wákimyeí muha meméénúmeke. Áronáacáa ihdyu múúhake mewákímyeíñe tájpi méicyahíjcyá tehdu ámuha meíjcyaki. 10 Muuráhjáa ámuhámuha meíjcyácooca ménehíjcyáhi: “Iwákímyeíñe ímilletúme tsá múu májchotúne.” 11 Ánácává muurá ámuha tsaate pevétaré tsíñéhjiríyé méicyahíjcyáhi. 12 Ánéllii ehdu ícyahíjcyámeke Máavyéjuube Jetsocríjtó taúhbaju íjcyane muha menéé ímiááméré íjcyáne iwákímyeíñe tájpi íjcyaki.

13 Ámuúha múúhá nahbému, méóóchévedí ímiáánéré ámuha meméénuhíjcyánetu. 14 Ehdu íñe ámuhákye muha waajácúháámí pañe meúwaabóné tsaate lléébótúmeke méwáájaco caatyé íjcyane. Áámema ménahbéwájúcohdí ditye téeneri íñucójpívéne iwájácúúve múhdurá idyáíívémeíhíjcyáne. 15 Áronáa ihdyu tsá múu diityéké téené hallútú múnáájtótúne. Íllure ihdyu chooco ímiñeúvú méuwaábó ditye ímíjpyeté ménahbémujuco íjcyámeke.

Páávaro pítyajcóné

16 Aane óví Píívyéébe ímiáábé íjcyabe ámuhákye túkévejtso íbúwajíí ámuha meíjcyaki. Aabe ihdyu óví ámuhákye panévatúré píaabóhi.

17 Aane íñe ícyooca ámuhákye pámeekéré o dúúruváné páñetu oore ó caatúnúhi. Ehdu muurá nihñéré ooréjuco o cáatúnuhíjcyané páneere

táwaajácúhaamínetu. ¹⁸Ahdícyane óvíi Máavyéjuube
Jetsocríjtó ámúhake píaabóhi. Áyu tehdújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

6f878dbd-e896-5e27-b788-1442926dfc48